

Partneriaeth Pensiynau Cymru - Cynllun Cyfathrebu

Mae Partneriaeth Pensiynau Cymru ("PPC") o'r farn bod cyfathrebu'n effeithiol yn fewnol ac yn allanol yn hanfodol os ydyw am lwyddo i gyflawni ei amcanion. Mae PPC, fel rhan o'i ymrwymiad i'r gred hon, wedi cytuno i greu a chynnal cynllun cyfathrebu fydd yn cael ei adolygu bob blwyddyn. Bydd adolygiad blynyddol y cynllun cyfathrebu yn ystyried y datblygiadau arloesol yn y diwydiant cyfathrebu a barn budd-ddeiliaid PPC.

Mae'r cynllun cyfathrebu hwn yn nodi sut fydd PPC yn mynd ati i gwblhau ei strategaethau cyfathrebu mewnol ac allanol. Mae'r cynllun yn amlinellu'r hyn a ganlyn mewn perthynas â PPC:

- Cynulleidfa Darged
- Prif Negeseuon / Prif Ddiben
- Dull Cyfathrebu
- Cyfrifoldebau
- Y Broses Adolygu a Myfyrio

Cyfathrebu Mewnol

Cynulleidfa Darged

Fel rhan o'i gynllun cyfathrebu mewnol, bydd PPC yn ceisio cyfathrebu ac ymgysylltu â'r cyrff mewnol a ganlyn:

- Awdurdodau Cyfansoddol
- Swyddogion
- Aelodau'r CBLI
- Aelodau'r Cynllun (drwy'r Awdurdodau Cyfansoddol)
- Pwyllgorau Pensiwn
- Byrddau Pensiwn
- Fforymau Pensiwn
- Cyflogwyr
- Cyflenwyr (e.e. Y Gweithredwr)

Prif Ddiben

Mae PPC yn cydnabod bod cyfathrebu mewnol effeithiol yn hanfodol er mwyn cyflawni amcanion PPC. Bydd cyfathrebu mewnol yn meithrin mwy o gydweithio ymysg personél PPC ac yn helpu i sicrhau fod pawb yn gwbl ymwybodol ac wedi alinio â chredoau, amcanion a blaenoriaethau PPC.

Bydd gwell cyfathrebu mewnol yn golygu bod modd rhannu gwybodaeth ar lefel uwch o fewn PPC a gwella proses gwneud penderfyniadau PPC. Yn ogystal, bydd cyfathrebu mewnol yn gadael i BCC feithrin ei hunaniaeth a'i diwylliant unigryw ei hun, a bydd hyn yn galluogi i'r Partneriaeth ddatblygu gweledigaeth unedig a chynllun taith ei hun.

Dull Cyfathrebu

Mae PPC wedi nodi'r dulliau a'r sianelau cyfathrebu a ganlyn fel y ffordd y bydd yn cyfathrebu ac yn ymgysylltu â'i fudd-ddeiliaid mewnol:

- Datganiad Blynyddol Aelodau PPC (er defnydd Awdurdodau Cyfansoddol)

- Cwestiynau a ofynnir yn aml i Aelodau (er defnydd Awdurdodau Cyfansoddol)
- Gwefan
- Cyfryngau cymdeithasol
- Nodiadau crynodeb o'r cyfarfod
- Arolygon
- Porthol dogfen fewnol
- Galwadau cynhadledd bob pythefnos
- Cyfarfodydd y GS
- Cyfarfodydd y CBLI
- Ymgysylltu a dyddiau hyfforddiant

Cyfrifoldebau

Mae'r tabl isod yn amlinellu pwy sy'n gyfrifol am elfennau penodol o gynllun cyfathrebu mewnol PPC:

Tasg / Sianel Cyfathrebu:	Cyfrifoldeb:
Datganiad Blynyddol Aelodau PPC	Cadeirydd CBLI
Cwestiynau a ofynnir yn aml i Aelodau	Yr Awdurdod Lletya
Gwefan	Yr Awdurdod Lletya
Cyfryngau cymdeithasol	Yr Awdurdod Lletya
Nodiadau crynodeb o'r cyfarfod	Yr Awdurdod Lletya
Arolygon	Yr Awdurdod Lletya
Porthol dogfen fewnol	Yr Awdurdod Lletya
Galwadau cynhadledd bob pythefnos	Yr Awdurdod Lletya / Gweithredwr / Ymgynghorwyr
Cyfarfodydd y GS	Aelodau'r GS
Cyfarfodydd y CBLI	Aelodau'r CBLI a'r GS
Ymgysylltu a dyddiau hyfforddiant	Yr Awdurdod Lletya / Gweithredwr / Rheolwyr Buddsoddi

Y Broses Adolygu a Myfyrio

Bydd PPC yn adolygu ac yn myfyrio ar addasrwydd ei gynllun cyfathrebu mewnol fel rhan o'i adolygiadau hanner blwyddyn a blynyddol o'i gynllun cyfathrebu. Y Gweithgor Swyddogion ('GS') fydd yn cynnal yr adolygiadau. Diben yr adolygiadau fydd asesu p'un a yw polisi cyfathrebu mewnol PPC yn effeithiol, gan feithrin cydweithrediad a chynorthwyo â phroses gwneud penderfyniadau PPC.

Fel rhan o'r adolygiad blynyddol, bydd arolwg yn cael ei gyflwyno i bob corff mewnol i geisio canfod lefelau bodlonrwydd â'r polisi cyfathrebu cyfredol a'r meysydd gwella posib. Bydd adolygiad y GS yn

nodi meysydd gwella ac yn pennu pa adnoddau sydd eu hangen i weithredu'r newidiadau hyn. Bydd y CBLI yn ystyried ac yn cymeradwyo'r rhain.

Cyfathrebu Allanol

Cynulleidfa Darged

Fel rhan o'i gynllun cyfathrebu allanol, bydd PPC yn ceisio cyfathrebu ac ymgysylltu â'r cyrff mewnol a ganlyn:

- Llywodraeth Ganolog (gan gynnwys Gweinidogion ac yn benodol, MHCLG)
- Llywodraeth Cymru (gan gynnwys Gweinidogion)
- Undebau
- Y Cyfryngau
- Bwrdd Ymgynghorol y Cynllun (SAB)
- Cymdeithas Llywodraeth Leol (LGA)
- Cymdeithas Llywodraeth Leol Cymru (WLGA)
- Grwpiau Lobi
- Cronfeydd cyd-fuddsoddi (pwlio) eraill

Prif Negeseuon

Mae PPC wedi nodi'r prif negeseuon a ganlyn fel y rhai y mae'n dymuno'u cyfleu i gynulleidfaoedd allanol:

- **Llwyddiant a Chyflwyno Arbedion Cost** - Mae PPC yn falch o'i lwyddiant hyd yma ac mae wedi ymrwymo i gyflwyno llwyddiant parhaus. Mae PPC wedi rhoi gwerth am arian wrth wraidd ei phroses gwneud penderfyniadau, gyda'r amcan o gyflwyno arbedion cost. Mae'r model cyd-fuddsoddi a fabwysiadwyd gan BPC wedi caniatáu iddi osgoi costau sefydlu a gweithredu uchel. Mae model PPC wedi darparu fframwaith sy'n cyflwyno cyfleoedd buddsoddi deniadol a chost effeithiol i Awdurdodau Cyfansoddol, ac mae'n parhau i wneud hynny.
- **Cydweithio** - Mae PPC yn seiliedig ar yr egwyddor bod Awdurdodau Cyfansoddol Cymru yn llwyr ymrwymedig i gydweithio er pennaf les eu haelodau, eu cyflogwyr a budd-ddeiliaid eraill. Mae PPC yn adeiladu ar y perthnasau cryf a'r arfer dda o gydweithio y bu i'r Awdurdodau Cyfansoddol ei sefydlu fel rhan o'u menter 'Cydweithio'. Mae cryfder a chynnydd PPC tuag at well deilliannau i'w buddiolwyr yn seiliedig ar allu'r Awdurdodau Cyfansoddol i gydweithio a chydweithredu'n effeithiol â'i gilydd.
- **Cyflawni Buddion i Aelodau a Chyflogwyr y Cynllun** - Mae PPC yn falch o'i fodel cyd-fuddsoddi sydd wedi'i ddylunio i fodloni anghenion Awdurdodau Cyfansoddol PPC, fydd yn ei dro yn cwrdd ag anghenion eu haelodau a'u cyflogwyr. Mae PPC yn ymdrechu i gael y safonau llywodraethu uchaf a chyflawni buddion y buddiolwyr.
- **Hunaniaeth Gymreig** - Mae PPC yn falch o gynrychioli Cymru gyfan a hunaniaeth ddiwylliannol unigryw Cymru. Mae PPC yn cynrychioli cydweledigaeth Awdurdodau Cyfansoddol Cymru a'r map y maent wedi'i ddatblygu i gyflawni'r weledigaeth hon.
- **Aelod Balch o Gymuned y Cynllun Pensiwn Llywodraeth Leol** - Mae PPC yn falch o'i dreftadaeth Cynllun Pensiwn Llywodraeth Leol ac mae wedi ymgorffori'r nodweddion Cynllun

Pensiwn Llywodraeth Leol a ganlyn yn rhan o'i strwythur: llywodraethu cadarn, tryloywder a lefelau uchel o atebolrwydd lleol.

Dulliau a Sianeli Cyfathrebu

Mae PPC wedi nodi'r dulliau a'r sianelau cyfathrebu a ganlyn fel y ffordd y bydd yn gweithredu ar ei bolisi cyfathrebu allanol ac yn cyfleu prif negeseuon i'w chynulleidfia darged:

- Gwefan PPC
- Cwestiynau a ofynnir yn aml
- Cyfryngau Cymdeithasol (e.e. LinkedIn)
- Diweddariad Blynnyddol ar Gynnydd PPC
- Datganiadau allanol i'r wasg a datganiadau i'r wasg
- Papurau cyfarfodydd y Cydbwyllgor Llywodraethu ('CBLI') sydd ar gael yn gyhoeddus
- Ymgynghoriadau MHCLG
- Presenoldeb mewn cynadleddau a digwyddiadau allanol

Cyfrifoldebau

Mae'r tabl isod yn amlinellu pwy sy'n gyfrifol am elfennau penodol o bolisi cyfathrebu allanol PPC:

Tasg / Sianel Cyfathrebu:	Cyfrifoldeb:
Cyfleu prif negeseuon PPC a gweithredu ar Gynllun Cyfathrebu PPC	Holl bersonél PPC
Cynnal a chadw gwefan PPC	Yr Awdurdod Lletya
Cwestiynau a ofynnir yn aml	Yr Awdurdod Lletya
Ymgynghoriadau MHCLG	Yr Awdurdod Lletya (gyda chymorth gan bartion perthnasol, e.e. Y Gweithredwr a Rheolwyr Buddsoddi)
Cynnal a chadw cyfryngau cymdeithasol PPC	Yr Awdurdod Lletya
Diweddariad Blynnyddol ar Gynnydd PPC	Cadeirydd CBLI
Datganiadau i'r Wasg	Cadeirydd y CBLI, Cadeirydd y GS a'r Awdurdod Lletya
Papurau cyfarfodydd y Cydbwyllgor Llywodraethu ('CBLI') sydd ar gael yn gyhoeddus	Holl bersonél PPC
Presenoldeb mewn cynadleddau a digwyddiadau allanol	Holl bersonél PPC

Adolygu a Myfyrio

Mae PPC yn cydnabod y bydd ei chynulleidfya, prif negeseuon, cyfrifoldebau a dulliau cyfathrebu, yn esblygu. Felly, bydd PPC yn cynnal adolygiad llawn o'i gynlluniau cyfathrebu bob blwyddyn, yn ogystal ag adolygiad hanner blwyddyn canolraddol.

Bydd yr adolygiadau blynyddol a chanolraddol yn cael eu cynnal gan y Gweithgor Swyddogion ('GS'), a diben yr adolygiadau fydd asesu p'un a yw Cynllun Cyfathrebu PPC yn parhau i fod yn briodol neu a ddylid ei ddiweddarau. Yn ystod cwrs yr adolygiad blynyddol, bydd y GS yn ystyried cwestiynau a allai fod yn heriol y dylid eu gofyn i BPC ac yn llunio ymatebion addas i'r cwestiynau hyn. Ar ôl cwblhau adolygiad cyfathrebu blynyddol PPC, bydd y GS yn cyflwyno addasiadau i'r cynllun er cymeradwyaeth y CBLI.

Fersiwn 1.0 Rhagfyr 2019

Atodiad 1: Geirfa

Cwestiynau a ofynnir yn aml - Bydd y ddogfen yn ymdrin ac yn ateb y cwestiynau y mae cynulleidfaoedd allanol yn eu gofyn i BPC yn aml, e.e. Beth yw PPC? Bydd y ddogfen hefyd yn amlinellu polisi ceisiadau Rhyddid Gwybodaeth (FOI) PPC ac i bwy y dylid cyfeirio ceisiadau FOI. Bydd y ddogfen cwestiynau a ofynnir yn aml ar gael yn gyhoeddus ar wefan PPC.

Diweddariad Blynyddol ar Gynnydd PPC - Bydd y ddogfen ar gael yn gyhoeddus a bydd ar gael ar wefan PPC. Bwriad y ddogfen yw cyfleu'r gwaith a'r cynnydd y mae PPC wedi'i wneud yn ystod y 12 mis diwethaf.

Datganiad Blynyddol Aelodau PPC - Bydd y ddogfen hon hefyd yn cyfleu'r gwaith a'r cynnydd y mae PPC wedi'i gyflawni dros y flwyddyn a fu. Bydd y datganiad yn wahanol i'r diweddariad blynyddol ar gynnydd PPC - bydd yn ddogfen bwrsol ar gyfer aelodau cynllun PPC ac fe'i hystyrir yn ddogfen fewnol. Bydd y cyfathrebiad hwn yn nodi pa gamau gweithredu mae PPC wedi'u cwblhau dros y flwyddyn, yn ogystal ag adnabod beth fydd y camau hyn yn ei olygu i aelodau. Bydd y ddogfen yn cael ei chynhyrchu gan yr Awdurdod Lletya ac yn cael ei chyflwyno i'r Awdurdodau Cyfansoddol gyda'r bwriad o rannu'r wybodaeth hon ag aelodau eu Cynllun fel y maent yn ei ystyried yn briodol. Wrth ddrafftio'r ddogfen hon ar lefel Awdurdod Lletya, bwriedir annog mwy o negeseuon unedig ar draws aelodau'r Awdurdodau Cyfansoddol.

Cwestiynau a ofynnir yn aml i Aelodau - Bydd y ddogfen hon yn ateb nifer o gwestiynau y mae aelodau cynllun PPC yn eu gofyn yn aml. Yn benodol, bydd yn ymdrin â chwestiynau ar oblygiadau'r broses cyd-fuddsoddi a ffurfio PPC ar bensiynau aelodau. Bydd y ddogfen yn cael ei chynhyrchu gan yr Awdurdod Lletya ac yn cael ei chyflwyno i'r Awdurdodau Cyfansoddol gyda'r bwriad o rannu'r wybodaeth hon ag aelodau eu Cynllun fel y maent yn ei ystyried yn briodol. Wrth ddrafftio'r ddogfen hon ar lefel Awdurdod Lletya, bwriedir annog mwy o negeseuon unedig ar draws aelodaeth yr Awdurdodau Cyfansoddol.

Nodiadau crynhoi o'r cyfarfod - Cynhyrchir y nodiadau hyn yn dilyn pob cyfarfod GS a CBLI a byddant yn crynhoi prif elfennau'r cyfarfod; y penderfyniadau a wnaed a'r pwyntiau gweithredu. Bydd y nodiadau crynhoi hyn yn cael eu chyflwyno i bob Awdurdod Cyfansoddol gan ragweld y byddant yn cael eu rhannu â Phwyllgorau Pensiynau yr Awdurdodau Cyfansoddol lleol. Mae'r nodiadau crynhoi yn ceisio sicrhau bod gan yr holl Bwyllgorau Pensiynau yr un lefel o wybodaeth ar benderfyniadau a gweithrediadau diweddar PPC.

Arolygon - yn cyfeirio at bob arolwg barn, holiadur ac arolwg a gyflwynwyd ar ran PPC. Defnyddir arolygon barn yn aml i ganfod argaeledd ar gyfer cyfarfodydd yn y dyfodol. Defnyddir holiaduron i gasglu'r amrediad o greddau a barn o fewn PPC. Defnyddir arolygon i adnabod lefelau bodlonrwydd a meysydd gwella ar gyfer y dyfodol.

Porthol dogfen fewnol - mae'n cyfeirio at borthol mewngofnodi y gall personél PPC ei ddefnyddio i gael mynediad i ddogfennaeth allweddol PPC megis papurau cyfarfodydd, cofnodion blaenorol, deunyddiau llywodraethu a gwybodaeth gyswllt.

Galwadau cynhadledd bob pythefnos - mae'n cyfeirio at y galwadau a gynhelir bob pythefnos rhwng personél PPC a chyflenwyr allanol perthnasol, megis y Gweithredwr, y Ceidwad a'r Rheolwyr Buddsoddi.

Ymgynghoriadau MHCLG - mae'n cyfeirio at geisiadau am wybodaeth a diweddariadau ar gynnydd gan y Weinyddiaeth Tai, Cymunedau a Llywodraeth Leol (MHCLG).

Holl bersonél PPC - mae'n cyfeirio at aelodau'r CBLI, aelodau'r GS, a phersonél yr Awdurdod Lletya. Noder y gellir ystyried aelodau Pwyllgorau Pensiynau'r Awdurdodau Cyfansoddol fel rhan o'r diffiniad hwn os ydynt yn cynrychioli'r Awdurdodau Cyfansoddol mewn cynadleddau a digwyddiadau allanol.